

升菴先生年譜  
汪直傳  
吳少君遺事

鵝池生傳  
張邦昌事略  
螺冠子自敘附傳贊

徐海本末  
劉豫事蹟



徐  
海  
本  
末

茅  
坤  
撰

中  
華  
書  
局

徐海本末

叢書集成初編所  
選澤古齋重鈔借  
月山房彙鈔皆收  
有此書版本同借  
月在先故據以排  
印

## 四庫全書提要

徐海本末一卷。明茅坤撰。坤字順甫。歸安人。嘉靖戊戌進士。官至大名兵備副使。事蹟具明史文苑傳。坤好談兵。罷官後。值倭事方急。嘗爲胡宗憲招入幕。與其籌兵計。此編乃紀宗憲誘誅寇首徐海之事。皆所親見。故敘述特詳。與史所載亦多相合。袁褫以此書與汪直傳合刻入金聲玉振集中。題曰海寇後編。今析出各著於錄焉。

## 徐海本末

明 歸安茅 坤撰

嘉靖三十五年。徐海之擁諸倭奴而寇也。一枝由海門入。略維揚。東控京口。一枝由淞江入。略上海。一枝由定海關入。略慈谿等縣。衆各數千人。而海自擁部下萬餘人。直逼乍浦而岸。岸則破諸舟。悉焚之。令人各爲死戰。又導故窟柘林者。陳東所部數千人。與俱併兵攻乍浦城。蓋四月十九日也。當是時。朝廷方奪故總督。而新總督胡公。自提督代之。甫八日。問幕府。麾下募卒僅三千人。俱孱弱不可用。故總督所徵四川。湖廣。山東。河南諸兵。俱罷去。所爲緩急者。特容美土兵千人。及參將宗禮所藉河朔之兵八百人耳。南北諸倭酋不下數萬。驛者聲言。他曾分掠江淮於越諸州郡間。以扼援兵。而海等常窟乍浦。下杭州。席卷蘇湖。以脅金陵。氣恣甚。總督胡公。方召諸司畫計。無何。故提學阮公。代胡公爲提督。檄未至。夜半。聞乍浦圍。卷甲趨之。胡公亦分遣兵。澈浦。海鹽之間。爲聲援。而自引兵。壁塘樓。相犄角。居頃之。海聞新總督胡公。卽故御史。所嘗提兵督戰於鴛湖五涇之間。而覆之者。氣稍沮。尋罷乍浦圍。聞兩公。方擁兵壁近郊。不復敢窺杭。於是徑略峽石。越阜林。出烏鎮。以北。烏鎮者。卽海故所犯蘇湖舊路也。當是時。胡公旣獲諜。度蘇湖之間。惟鴛湖爲四戰地。於是檄河朔兵。自嘉興入。駐勝墩。陣而待。因以吳江水兵。遮其前。湖州水兵。尾其後。而公自引麾下募卒。及容美土兵。衝擊之。提督阮公。自崇德開賊。且出烏鎮也。卽道挾河朔之兵。騎而馳及之於阜林。令善射者。且躡且射。賊稍稍引去。賊縱數百人嘗之。輒又敗去。賊怒甚。鼓噪而前。提

督阮公勢惶急。於是走輕舸入保桐鄉。而參將宗禮與裨將霍貫道等。適自張左右翼。厚集其陣。以待戰。數合。擊殺數十人。會日暮。賊且引去。時賊氣頗窘。而宗禮霍貫道等亦已絕嚮道。不得擇善地。便水草。以自休止。明日。餓而戰。賊遣候者樹而望。益孤壘以壅。無他援者也。大喜。復縱兵以半擊其前。以半繞其背。而霍貫道河朔故驍將也。大呼。衆力戰。矢砲如雨下。無不人人一當十。復擊殺數百人。而貫道亦手自刃十餘人。賊益怖。海且中砲。欲馳去。會火藥盡。霍貫道與宗禮仰天呼曰。吾兩人再得藥數斗。可以了此賊矣。未幾。貫道與宗禮俱陷。衆大敗。賊遂乘勝圍桐鄉。時總督胡公已引兵臨崇德。聞之。潸然流涕曰。河朔之兵既敗。東南之事無復可支矣。賊已困桐鄉。假令復分兵困崇德以劫我。我兩人臂之抱而自沉也。國家且奈何。於是還省城。檄諸路兵爲戰守計。先是。公始爲提督時。嘗與監督尙書趙公謀曰。國家困海上之寇。數年於茲矣。諸倭奴乘潮出沒。將士所不得斥堠而戍者。人言汪直以威信雄海上。無他異狀。苟得誘而使之。或可陰搆其黨也。按部題亦嘗有用間爲策者。於是遣辯士將洲。陳可願。及故嘗與汪直友善者數輩。入海諭直。直果感悅。願如約。遣其養子毛海峯。款定海關。謝過。間以諭海。海已散他島。勾島人入劫。故不相及。而海峯者云云。彼固未之聞也。胡公策曰。直與海雖順逆不同。其勢固唇齒也。直既悔悟。海獨不可以大義說之乎。不然。彼貪人也。誘之以利。或可狃其心。聞桐鄉城小而堅。緩之數十日。則永保戍兵至。固可破之矣。於是疾走人諭海峯。因厚遺。陰過海所。曰。直已遣子款定海關。朝廷固且赦之矣。若獨無意乎。新總督威名非曩時比。且仰體朝廷德意。推心置人腹。若不乘此時解甲自謝。他日必爲

虜矣。海頗然其計。於是亦遣曾自謝。約罷圍去。因以要公。稍出中國貨物。遣他倭。曾而疏釋其罪。公佯諾。輒以銀牌綺幣。厚遺來謝。曾而陰令營中盛兵容。私謀者。故縱曾瞰之。曾既德公遺。又內怖公之兵威也。歸以報於海。明日。復遣他曾來謝。公視之如初。凡數復。海於是始歸心於公。願爲公死之矣。然陳東獨心竊疑海私。遺猶鞅鞅未之從也。海問遺曾次桐鄉城下。私城上兵曰。某已聽總督胡公約。解去矣。城東門故柘林賊陳東黨也。驚悍不吾從。若謹備之。是夕。海果道崇德而西。且乞他兵於公。以夾擊東。胡公猶心訝未之許。而東獨盛爲樓櫓。撞竿以撞城。而桐鄉令金燕者。弼幹吏也。城中一切兵仗火藥。諸已繕備。提督阮公。復躬厲矢石。狗城上人。令令散千金。募敢死之士。督戰益亟。所殺傷賊亦數十人。方撞竿自樓櫓中躍而撞城。城幾壞。一男子爲縉索圍撞竿所擊。故窟處。竿至。卽縉挽以上斬之。又募治者。煮鐵汁灌城下。曾城下曾不敢逼。東旣無如何。聞海等解去道遠。勢且孤。亦相與稍稍引去。圍始解。而提督阮公出矣。時五月二十三日也。方阮公困桐鄉時。固日夜望總督胡公援兵之至。而胡公亦重念東南之安危。身之禍福。與阮公相旦暮。情固急。業已遣兵備劉公。督同留守王倫。宣撫田九霄。勒兵自嘉興入壁斗門。分守汪公。督同知縣張冕。勒兵自湖州入壁烏鎮。參將丁儻。勒兵自海鹽入壁王家店。指揮樂塤。督同千戶羅天與。勒兵自崇德入壁石門。又令崇德令崔近思。收河朔之散卒。入城爲聲援。兵四而環賊。遠者二三十里。近者十餘里。而陣。然各以狃卓林之敗。遂巡惶怖不敢逼。而公業遣諜。說賊。亦日夜遲永保。戍兵之至。以決一戰也。計無可奈何。而胡公與阮公兩人者。爲同年。故深相結者。及援兵不合。阮公自圍中頗

急。於是兩相猜。而他誘者與爲飛語。撤兩公者盈道路矣。當是時。朝廷聞東南之寇。卽日出尙書趙公。督山東河朔諸兵援之。又兩公所私相猜者。語頗聞趙公。趙公亦故與兩公者爲肺腑交。所嘗兩推轂中朝。以填東南者。念兩公卒有郤。則東南之事。抵牾不可圖。於是日夜引兵而南。至揚州。則阮公業已出桐鄉。圍東渡錢塘。狗會稽諸下邑。擊他賊。胡公亦聞尙書趙公之至。且戰且南。淮揚毘陵之間。無足慮。獨海爲巨孽。間雖狃而內附。中固不可測。而上海之賊萬餘人。由吳淞江西引方急。迺日遣諜者。唱海以金帛。而說之東出海上。擊他賊。海亦果收諸倭酋。出乍浦道平湖。時諜報吳淞江之賊已鼓行涉嘉善界。欲西合海。公念海萬一卒他變。兩相合。奈何。因策海始已焚舟爲深入。今不得舟。必急。於是遣諜詗海。謂海旣內附。何不如故約。勸兵擊吳淞江賊。且篡奪其輜。掠舟以歸。海果然其計。卽日引諸酋逆之朱涇道上。斬首若干級。餘賊遂夜走。以故海不及篡奪其舟而還。及他酋脫而出海也。公又別遣總兵俞大猷。伏飛艦海上。遮擊之。溺且盡。於是海旣德公不敢背。又聞吳淞江賊之出。爲海兵所遮擊。益內怖。日輸款於公。遂輦故所載飛魚冠。及他堅甲名劍數十種。並以輸公。而間遣其弟洪入質於公。公固佯納之。公又諜聞海麾下。獨書記葉麻爲長酋。其爲人頗黠而悍。近與海爭一女子。有微郤。非用間急縛之。則無以死彼之內附之心。於是遣諜就海帳中。諷海縛葉麻。以出。葉麻出。而諸酋中故隸葉麻部曲者。稍稍怨且懼矣。怨且懼。恐生他變。則又以他罪縛縛幾百餘人。公又策陳東於諸部曲中。與葉麻聲相倚。頃以桐鄉之役。兩睚眦者也。數遣諜持簪珥瓊翠。遺海兩侍女。令兩侍女日夜說海。并縛東。海間諾。而陳東者。薩廢王弟故帳下。



書記曾海固未之能也。於是出葉麻囚中，令其詐爲書於東，反兵賊殺海。其書故不以遺東，陰泄之於海。激怒之，使并縛東。海讀其書，涕雙下。益德公之不忍爲東所賊殺之也。日夜謀縛東以報公，居無何，尙書趙公移兵渡江來，所過州縣，數舉兵向賊，賊輒敗走。俘斬若干級，兵威大布。當是時，公已知海之甘心於東，不忍疾擊海，疾擊之，兩人迫而深相結，則東南之事未易圖，而尙書趙公之至也。私約公共部署兵擊海，日急。且召公故所遣諜而詰之曰：「若爲我諭海，海連兵以來，罪不容死，非縛陳東及斬千餘級以獻，恐無以謝朝廷。若能，則吾當同督府諸公疏釋之。不然，若且齏粉矣。」是時阮公亦至於海，益怖，出所故掠中國貨物千餘金，賂王弟，詐請東代署書記。海因夜得東，卽縛以故約復於胡公。葉麻與陳東相繼縛，而諸酋長洵洵內亂矣。是時諸酋長旣疑且怨，海無關心，故其氣日蹙。海亦自度縱令反，故島當亦必爲諸酋長所賊殺，故爲內附。日固而公與趙公，海責海益急。海旣急，因念欲掠舟出海，恐爲海上兵所劫，欲列壘拒官兵，又業已內附，不忍背。且陳東黨固日夜襲之也。公策曰：「彼旣亂，吾可乘之矣。」因遣諜私海曰：「我固欲寬若趙尙書爺，以若罪孽大，何不聽我，釀數十艘海上。若且誘之逐海上艘，令俘斬千餘級，以謝趙公，而若因得以自完乎？」海不得已，且疑且諾。因約兵備副使劉公，引兵伏乍浦城中。而某日時，某常引衆出海岸，去乍浦城半里而陳，佯令衆曾逐海上艘，某手旗麾之，城中官兵卽舉燧爲號，從城中出，亟擊勿々。諸官兵卒如故約乘之，諸倭曾逐海上艘如蟻不及，還兵鬪。於是諸官兵得乘勝蹂而前，不傷一卒。所俘斬數十百人，沒海者無算。於是海自以數有功於朝廷，願與部下諸酋長入款，具庭謁胡公，與尙書

趙公提督阮公及巡按趙公並許之。讎往復。期以八月初二日。然海猶恐開設甲士劫之。先期一日。卒擁會數百人。胄而陣平湖城外。自帥會長百餘人。胄而入平湖城中。以求款。四公者計不許。恐他變。遂許海。與諸會長北嚮。而四公按次稽首。呼天星爺死罪死罪。胡公亦下堂。手摩海頂。謂之曰。若苦東南久矣。今既內附。朝廷且赦復面。胡公稽首呼天星爺死罪死罪。海欲再爲款。胡公而未之識。因顯讎。讎目示之。海若慎勿再爲孽。海復稽首呼天星爺死罪死罪。於是四公厚犒遣之而出。是日城中人無不灑然色變者。海既出。諸公者固已忿恚海之列款。猶胄而入。屬彌脅無禮。又不及如讎故所期月日。而先日卒至也。其習行點若此。於是闔謀不勒兵誅之。他日必爲患。計部下尙千餘人。猛鷲難卽破。永保兵猶遙遠。道未至也。於是佯令海自擇便地居之。海果自擇便地得沈家莊。卽僦沈家莊與居之。是爲八月八日。當是時。衆復喧然譁。諸公輩何不撲滅海。不然。且縱之出海上。令自解去。顧象虎以自禍也。不知諸公者固有待。於是胡公與尙書趙公提督阮公私自部署兵。又日夜遣使趣永保兵來會。兵未集。恐海驚。禍且肘腋間。胡公因日遣讎調海。且啗海如羹時。公因謀以請於趙公曰。吾聞善兵者乖其所之。海與陳東黨業已深相仇。今合而兩附者。迫故耳。聞沈家莊故東西兩處。而中緡河爲塹。何不說海以西沈家莊居。陳東黨而自擇東沈家莊以居。部下會乎。讎以諭海。海果如其言。頃之永保兵至。會海輸二百金於公。市酒米。公復與趙公謀。以藥毒其中。而歸之。又令陳東詐爲書。夜遺其黨曰。海已約官兵。夾剿汝輩矣。陳東黨果疑。而夜伏邏卒東沈家莊道上。瞰之。適海惶急。因令會竊兩侍女出道上。而急則因問道走幕府。以自托。邏卒

瞰知之。歸以報於陳東。黨陳東黨聞之大驚。卽勒兵篋兩侍女。過海所。罵曰。吾死。若俱死耳。遂私相稽而鬪。海中稍衆。大亂。明日。官兵四面合牆立而進。保靖兵先嘗之。稍卻。河朔兵乘之。又卻。俄而胡公擐甲厲聲叱。永保兵左右列。大呼而入。瞰壘下擊。會風烈。公麾衆千餘炬。人各持炬。縱火焚之。海竄甚。遂沉河死。甫食頃。人人驚而攫千餘。酋寇斃盡矣。中所故飲毒。首虜黑色者。凡三百餘人。於是永保兵俘兩侍女而前。問海何在。兩侍女者。王姓。一名翠翹。一名綠姝。故歌伎也。兩侍女泣而指海所。自沉河處。永保兵遂蹈河斬海級以歸。江上丈人曰。海以一緇衣。起島上。五年之間。百戰百勝。朝廷遍徵海內諸名將。與之喋血。吳越諸州郡間。未聞有俘其偏卒者。方其擁兵數萬人。分五道入。湛舟以戰。示無復還意。當是時。其氣飄忽奮迅。固已欲吞江南而下咽矣。何其猛也。已而困於胡公區區之餌。卒之糾纏狼狽。以自斃而死。若封羊豕然。豈非所謂人固屈於慾也乎。善哉。友人唐司諫嘗曰。始賊盛兵圍桐鄉時。假令持觶。公胡不量彼己。而毆兵以戰。一蹶而債。東南事去矣。今且卒堅忍。紆徐以收之。兵法曰。利而誘之。亂而取之。若胡公者。可謂緩急合兵變者也。雖然。公開襟多自喜。嘗欲傲諸葛武侯。縱孟獲故事。且生縛海。獻之天子。疏請海與汪直兩人者。爲弋媒於海上。而因以纓繫海上。曾嗟乎。公之心固雄。虎檻而逸。亦危矣。幸而趙公與公沆謀。挽公手曰。不殺海。我輩無以丈劍報天子。公意遂決。不然。彼讒口之所以交吻於公者。豈其小哉。

紀倭亂者。始於廣寧伯劉江。載之水東日記。迨今嘉靖三十三年之亂。范表詳其事。後總制胡公所述。

汪直、徐海本末。予因次第刻紀亂則中。俾後之可以考也。乙丑三月。再罹倭警。吳之郡邑。荷大巡溫公之威嚴。身冒天石。將士協謀。黜除屢次。吳民百萬戶。得以安枕者。非其功耶。因附記如此。別有所錄。是歲陽至日。謝湖老人漫筆。